

周庭馬屎埔做騷「唔專業」

影沙龍執到靚上埋網 呃完 like 閃人唔再到場



■周庭昨日在「中箭」fb展示前日拍攝的一批「沙龍相」。一看，有晒角度構圖玩晒光線，仲執得靚靚，話唔係「宣傳照」都冇人信。 fb圖片

網議政事

為了呃 like，「中箭（香港眾志）」諸君的面皮可以去到幾厚？答案：無極限也！馬屎埔村有自稱「村民」者霸地，法院批出臨時禁制令也視為無物，阻撓土地的地主恒基收地。此前做鍵盤戰士號召支持者到場「聲援」、但人影都唔見的「中箭」諸君，在前日保安人員開始封場時終於「稍有進步」，就是派出副秘書長周庭等到場打卡，仲影晒沙龍相，驚死人唔知佢去過。想睇呢批靚相，昨日「中箭」facebook 就有得睇，有晒角度 tune 晒色、連髮油都唔見埋。「勇武影相」任務完成，相已 post，周庭昨日當然冇再去馬屎埔村啦。不少網民睇唔過眼，鬧周庭連做騷「抽水」都唔肯做足全套，「精神啲，臨時演員都係演員㗎！」

■記者 鄭治祖

「中箭」諸君此前在 fb 貼文，叫人去「支援」霸地的「馬屎埔村村民」，但自己就人影都唔見，被鬧爆推人去死自己就「開房」食花生。汲取了教訓，「中箭」前日就派出周庭和另一名唔知乜水的「中箭」成員到場影相打卡。

雖云男女平等，但「中箭領導」羅三七（主席羅冠聰）及河童鋒（秘書長黃之鋒）自己都有親身上陣，只係做鍵盤戰士發 post 轉帖，唔知係咪因為兩人「no gun」又學唔懂軍隊格鬥技，或者怕自己過街老鼠形象所累而俾人打多兩槌，又或者周庭有必殺技：掂吓都告你非禮，所以先推周庭上前線。

無論如何，周庭都叫做有去到現場，有點站但唔知有無唱「今天我」，點都好過羅三七及河童鋒兩條麻甩仔。

周庭前晚在其 fb 及「中箭」fb 貼文，聲稱自己在場逗留近六小時，最後被保安抬離現場，更聲稱自己親見有保安以打火機嘗試焚燒村口一塊用作天幕之用的帆布，有保安更投擲對講機攻擊示威者。不過，所謂「右片有真相」，周庭前日有「專業攝影師」跟身，全程直播自己「勇武企喺度」，加上現場有大批專業記者，倘她所說的保安員「暴行」為真，點解有片？

烈日當空下竟無髮油

其實，周庭此 post 的亮點並非那段凡字隔一隔的「作文」，而是「中箭」fb 上載的近十張「沙龍相」，張張都曬晒角度，

tune 晒色，連周庭一直被人瘋狂恥笑的滿頭髮油，在前日烈日當空下竟然可以執到幾乎冇晒反光，批相仲要前日影，昨日先 post，擺明要時間執到靚靚，肯肯定係「專業人士」的作品（雖然唔知係唔係用單籌出糧）。

諷刺的是，馬屎埔村問題昨日未解決（見另稿），但周庭曬完呢輯靚相就潛水，擺到明只係做吸濕大笨象，更加令人肯肯定呢批相係用來當 CV 呃 like 呃支持。

影張射箭相自以為為巧威威，結果成堆箭插返喺自己度。撐租霸本已不得人心，周庭仲要呃 like，全身「中箭」可謂自己擇嚟。不少網民留言批評周庭搵人影相做 show 博宣傳，但就毫不「專業」，夠鐘收工就歸家涼冷氣，今日仲失埋蹤，真係無恥。

河童掛住嘅 like 無落場

大家唔好唔記得周不時要宣傳吓自己、存在感低落嘅河童鋒。佢前日一直做鍵盤戰士，仲因抽「幸福醫藥」水被恥笑後老羞成怒，曬 like 數而惹來更多恥笑。

昨日，他終於出返街曬太陽，仲 post 埋自己在上環街市熟食中心食早餐的照片。網民就恥笑他自己號召人去「支援」馬屎埔村，但前日去完打卡就鬆，有網民隨即「更正」，話河童鋒前日掛住「曬命自己有幾十萬 like」，由始至終根本無落過場。

河童鋒 hea 飲奶茶呃翳

Man Chung：馬屎埔抗議成點呀？打完卡、唱完歌，就走左（咗）去飲奶茶？

Benny Wong：人地（咗）喺馬屎埔留守，你就喺度食早餐？

Yu Eric：馬屎埔現場，痴瘋（黃之鋒）不在場！

HokWai Ma：黃之鋒呢？黃之鋒去左（咗）邊？係 wo（唔），要去晒晒自己有幾十萬 like。

HF Ng：周庭暴曬，你就暴 Hea！

Wong Yee Ha：小心飲食喎身體健康好緊要，唔想你三十幾歲就通波仔。

梅謙：唔係話 post 野（嘢）食唔得，但風頭火勢又咁多事發生，係時候做番（返）d（啲）實事喇！

Bon Chow：喇（嚟），你夠膽帶法律顧問加拉一打人過去（馬屎埔村）撐場，落場幫手，唔係 FB x share 我就撐你喇！

資料來源：facebook 整理：鄭治祖

網民寸抽完水就閃

Chun Kit Lau：SORRY，我很好奇，這相片從哪來的？記者拍的？總不會是自找攝影師之類吧？

Ka Keung Wong：有曬（晒）post 影相，妙極妙極！

Eli Yu：等左（咗）成日，最緊要影到呢張相，收工！

Ting-ting Chan：周同學，敢問昨（前）天是你第幾次去馬屎埔？昨（前）日看到你在 Facebook Live Video 的演出，令我明白新一代政客不如舊一代。正當那些有理想的年青（輕）人坐在卡板上守田，你的 Facebook 攝影師就忙着幫你爭取最佳拍攝角度——企在高樓旁。「抽水」都要專業啲！

Sky Hoo：咪 x 做 show 啦！尋（前）晚你（周庭）條小學雞有無留守呀？去到見到你不停揸機影相作新聞，做完歸家涼冷氣。人渣中的 XO！

Andrew Leung：記得多利用 FB LIVE.

黃仁：又係博眼球，博上鏡，衆志好快拜拜……

琪琪：應幫嘅唔幫，走去幫啲地霸！

Agostinho Chok：選舉期近，搏（博）宣傳問對錯，最緊要有得見報。

資料來源：facebook 整理：鄭治祖

租霸被批漠視法紀

Jack Lee：佢地（咗）值得可憐咩，霸人塊地仲要講到自己苦主咁！

Km Chan：見地產收地就覺人地（咗）係霸權，村民反抗就係弱勢，宜（啱）家真地主出黎（嚟）收地，你仲助紂為虐，搞清楚邊到（度）有錯先跳出黎（嚟）啦！

Chung Yu Sze：咪 x 搞事啦！霸人塊地仲大大聲！塊地個業權點改，個業權人都唔會係呢班 x 家賊！

Peter King：即有（係）你租一間屋比（畀）人，租客話無地方住很多理由，所以不肯搬，可以嗎？

Kenny Swat：咁如果塊地係你嘅，租左（咗）比（畀）人，人地（咗）賴死唔走，你就送比（畀）佢？因為攞番（返）塊地係你唔啱？咁不如大家攞晒資產出嚟平分，玩共產啦，啱聽嗎？

Yu Eric：事已至此，忍讓安全雖然重要，但香港人更要堅守核心價值，絕不能任由租霸橫行，破壞大家珍而重之的法治及私有產權制度。

林珊瑚：今日你哋強搶私人土地，2047（年）你哋係咪搶埋我層樓，一班社會敗類，香港嘅寄生蟲！

Ka Fai Kwok：明明塊地係區家（租客一家）話要保護嘅，但而（啱）家喺裏（裡）面守住嘅，就係 D（啲）比（畀）佢地（咗）呃去嘅市民大眾。區氏一家就係（啱）禁令範圍以外嘅地方發表謬論。之前講到咁公義，又唔見你而（啱）家入去守田。

資料來源：facebook 整理：鄭治祖

受指罵又捱曬 保安中暑送院

香港文匯報訊（記者 杜法祖）恒基地產早前成功向法院申請臨時禁制令，前日再度嘗試收回粉嶺馬屎埔村的農地，引起一批反對收地者激烈反抗，與保安員屢次爆發衝突，導致多名保安員受傷。恒地終成功將農地以圍板圍封，但數名示威者仍在農地內以木板搭成的「高台」上通宵留守抗爭。昨日現場氣氛已較平和，但仍有示威者不時指罵保安員。在猛烈陽光下，有看守地盤的保安員疑抵受不住天氣酷熱感到不適，要由救護車送院。

由前晚開始，恒地一直派保安員看守已圍封的農地，以防示威者再度硬闖。昨晨10時，逾四十名保安員在農地內外駐守。

示威者放巴基斯坦音樂

有在被圍封現場外圍的聲援者企圖將物資拋上「高

台」給留守的示威者，即時遭保安員阻止，雙方互相指罵。示威者發覺保安員中有不少南亞裔人士，遂透過揚聲器用英語廣播，聲稱無意衝突，只想「和平抗爭」，又播放巴基斯坦音樂。

由於昨日天氣酷熱，恒地在農地內設置多把太陽傘供保安員遮陰乘涼，並提供大批樽裝水供各人解渴。

下午3時許，酷熱天氣下，上水錄得34.3度高溫，現場一名本地男保安員疑不堪酷熱中暑不適，需由3名工友扶往一旁休息，替他敷貼冰巾及搧風降溫，並提供飲料解渴。最後工友報警，召來救護車將不適保安員送院救治。

馬屎埔村「村民」區晞昊稱，自己無就此事與恒地溝通，而留守者食水充足，健康良好，故會繼續盡力「守護東北」，不會為留守定時限。由於他們身處臨時禁制令範圍內，有可能被捕，故沒有透露其他資料。



■示威者在農地內以木板搭成的「高台」上繼續抗爭。 fb圖片

恒地前晚發出聲明，指圍板工程的激烈衝擊引致5名保安員受傷送院，又批評示威者多次襲擊和衝向保安員、阻攔工人工作，而非法佔地者留在禁制令範圍內，已屬藐視法庭，呼籲他們盡快離開。

李慧琼拍片籲社會放下對立

香港文匯報訊（記者 鄭治祖）反對派議員過去幾年在立法會大肆拉布，阻撓各項民生議案通過，令香港發展停滯不前。民建聯主席李慧琼昨日在網絡發佈其2016首齣宣傳片《放下對立，走出困局》。她在片中強調，即使面對困局，但總有出路。廣告又打出了正能量標語：「就算前面上山落斜，我們勇敢踏前。將來，是下一代不受拘束的舞台。將來，有無限可能。」

廣告一出，不少網友都留言支持。「Joe Lai」讚道：「講出香港心聲，努力加油呀！」「Kwok Keung Pong」也予以鼓勵：「無畏艱巨崎嶇，抱着為香港市民謀取生活安定，致力發展向前，見一事，增一智……多困難，總有信心解決！羅馬

非一夕可建成，長城更非一人可建，衆志成城！加油！」臨近9月立法會選舉，「James Wong」已率先表態支持：「作為一個小市民，我能做的就是將我手上的一張選票給民建聯。請加油。幫幫香港。」



■李慧琼的宣傳片以《放下對立，走出困局》作主題。 視頻截圖

切瘡風波 譚耀宗鞠躬致歉

香港文匯報訊（記者 鄭治祖）民建聯立法會議員譚耀宗被指日前到伊利沙伯醫院切除耳部瘡肉時，獲個別員工安排，在做手術時獲安排排頭位，及經員工通道入手術室。譚耀宗於前晚發出道歉聲明，並於昨日在傳媒面前鞠躬道歉。

由醫生安排非特權

facebook 群組「HA Secrets」前日有帖文不點名稱，譚耀宗於5月31日在伊利沙伯醫院接受手術時，獲安排做手術時段排頭位，並由員工通道進入手術室。譚耀宗前日否認使用特權，表示「一切都是聽醫生安排」，又發聲明對引起不便深表歉意。

譚耀宗昨日出席立法會會議前再回應事件時，並鞠躬致歉：「我想在此正式再一次表示歉意，表示致歉。因為有關方面（醫院管理局）說要進行調查，所以我亦不想在此再講。我再一次對受影響或對大家帶來不便深表歉意。」

Starry 讚勇認錯顯承擔

民建聯主席李慧琼（Starry）表示，譚耀宗就事件迅速致歉，證明他是一位能夠勇於承擔的人，民建聯及眾街坊

都會繼續支持譚耀宗。

伊利沙伯醫院證實，有病人於5月31日在該院做手術，獲個別員工安排，經員工通道進入及離開手術室，病人家屬亦獲安排在員工休息室等候。

該院指，醫院及部門主管不知悉事件，但承認有關安排並不恰當，就事件向公眾致歉，並會嚴肅處理及徹查，有需要會跟進。

郭家麒「抽水」不熟例挨批

公民黨議員郭家麒就借機「抽水」，提出要就此事向立法會議員個人利益監察委員會投訴。委員會主席梁國謙其後表示，已到秘書處翻查，並未收到投訴信，但強調根據議事規則，議員個人利益監察委員會只負責監察議員個人利益申報是否不按規定，及議員的開支是否違規。郭家麒如果有認真閱讀議事規則，就不會如此輕易「抽水」，「喻得就喻。」

他續說，郭連委員會的職權都不清楚，倘他要投訴某位議員的操守，就應循另一渠道跟進，不要什麼事都拿到議員個人利益監察委員會。如果收到郭家麒的投訴信，他會還給對方。